

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelunge Lied

Leyser, Hermann

Leipzig, 1840

XXIX. Aventiure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Wie Hagen vnt Volker vor
Chriemhilde sal sagen.

XXIX. Auenture.

Do schieden sich die zwene, rechen lobelich,
Hagen von Tronege, vnt och her Dietrich,
do blicht ober ahfel, der Gunthers man,
nach einem hergesellen, den er vil schiere do gewan.



Er sach den videläre. bi Gifelhere sten.
Volchern den vil chvenen. den bat er mit im gen.
wander vil wol erchande. den sinen grimmen mvot.
er was an allen togenden. ein ritter chven vnt gvoet.

Noch liezen si die herren. vsem hove sten.
niwan si einen zwene. di sach man dannen gen.
ober den hof vil verre. for ein palas wit.
die v; erwellen beide. vorhten niemannes nit.

Si gefazen vor dem hvoese. gegen eime sal.
der was Chriemhilde. vf eine banch zetel.
do lochte in von ir libe. ir herlich gewant.
gnvoge die si sahen. si heten gerne bechant.

Alsam tyer div wilden. wrden gekapfet an.
die obermvoeten helde. von manigem honen man.
do ersach si dorch ein venster. das Ezeln wip.
des wart do vil troebe. der frowen Chriemhilde lip.

E; mante si ir leide. weinen si began.
des hete michel wnder. die Ezeln man.
was ir so snelle ertrvbet. het ir hohen mvot.
si sprach das hat Hagene. ir helde chvene vnt gvoet.

Si sprachen frowe here. wie ist das geschehn.
wir habn ivch nitliche. so fro gemvot gefehn.
niemen ist so chvene. swer; iv hat getan.
heizet ir; vns rechen. ez sol im an sin lebn gan.

Das wolde ich immer dienen. swer reche miniv leit.
alles das er wolde. des wär ich im bereit.
ich biot mich iv zefozen. sprach des kuniges wip.
rechet mich an Hagene. das er verliese den lip.

Do garten sich zehanden, wol sechzech choner man,
durch der frowen liebe, si wolden hin gan.
vnt wolden slahen Hagenen, den vil chonen man,
vnt ovch den videläre, daz wart mit rate getan.

Do die kuniginne, ir schar so kleine sach,
in eime grimmen mvote, si zen helden sprach,
des ir da habt gedingen, des solt ir ab gan,
iane dorset ir so ringe, nimmer Hagenen bestan.

Swie starche vnt swie chvone, der von Tronege si,
noch ist verre chvener, der im da sizet bi,
Volker der videläre, der ist ein vbel man,
iane solt ir die degene, niht so lihte bestan.

Do si das gehorten, do garte sich ir mer,
driu hondert sneller rechen, die kuniginne her,
was des vil genöte, daz si geräche ir leit,
da von wart sit den degenen, vil michel arebeit bereit.

Do si nu wol gewasent, ir gesunde sach,
zwo den snellen degenen, die kuniginne sprach,
nu bitet eine wile, ir solt noch stille stan,
ia wil ich vnder chrone, mit io zwo minen vinden gan.

Vnt höret itewize, was mir hat getan,
Hagen von Tronege, der Gunthers man,
ich weiz in wol so chonen, daz er mir lougent niht,
so ist ovch mir vnmäre, swaz im darvumbe geschicht.

Do sach der videläre, ein vil chvone man,
die edeln kuniginne, ab einer stiegen gan,
nider v3 eime hvose, als er daz gesach,
der vil wise reche, zwo sine hergesellen sprach.

No schowet frivnt Hagene. wa si her gat.
div vns in vntriwen. inz lant geladet hat.
ich gesach mit kuniginne. nie so manigen man.
die swert enhende troegen. also striteklichen gan.

Wizet ir frivnt Hagene. daz si iv sin gehaz.
so rat ich iv mit triwen. ir hotet deste baz.
des libes unt der eren. ia dunchet ez mich gvot.
als ich mich versinne. si sint vil vbele gemvot.


Vnt sint ovch someliche. zen brosten also wit.
swer sin selbes hvete. der tuo daz encit.
ich wän si vnder siden. die vesten prynne tragen.
waz si da mite meinen. daz kan ich niemen gesagen.

Do sprach inzornes mvote. der vil chvne man.
ich weiz wol daz iz alles. ist vf mich getan.
daz si div lichten waffen. tragent an der hant.
vor den möhte ich geriten. noch in der Borgonden lant.

No saget mir frivnt Volker. welt ir mir gestan.
ob mit mir striten wellent. die Chriemhilde man.
daz lazet ir mich hören. als liebe als ich iv si.
ich won iv immer mere. mit triwen dienstlichen bi.

Ich hilf iv sicherlichen. sprach do der spileman.
ob ich vns hie begegene. sähe enkunic gan.
mit allen sinen rechen. die wile ich leben mvos.
so entwiche ich iv durch vorhte. v; helse nimmer einen svos.

No lone iv got von himete. vil edel Volker.
ob si mit mir striten. wef bedorft ich danne mer.
sit ir mir helfen wellet. als ich vernomen han.
so soln dise degene. vil gewärtlichen gan.



No sten wir von dem sedele. sprach do der spileman.
si ist ein kuniginne. vnt lan si for gan.
bieten ir die ere. si ist ein edel wip.
da mit ist och getivret. an zohnten vnser beider lip.

Nein durch mine liebe. sprach aber Hagene.
so wolden lihte wänen. dise degene.
daz ih; durch vorhte täte. vnt solde ich hin gan.
ine wil durch ir deheinen. nimmer von dem sedel stan.


Ja zimt ez vns beiden. zware lazen baz.
zwiv solde ich den eren. der mir ist gehaz.
daz entoon ich nimmer. die wil ich han den lip.
iane roche ich was mich hazet. des kunic Ezeln wip.

Hagene der stanche. der leit vber bein.
ein vil liehtes wafen. v; des knopfe erschein.
ein vil liechter iaspes. groner danne ein gras.
wol erchandes Chriemhilt. daz ez e' Sivrides was.

Do si daz swert erchande. des gie si michel not.
sin gehilze daz was goldin. diu scheidte porten rot.
ez mante si ir leide. weinen si began.
ich wän iz hete Hagene. ir zereizen getan.

Volker der vil chvone. zoch naher vf der banch.
einen videlbogen stanchen. michel vnt lanch.
gelich eine scarpfen swerte. vil lieht vnt breit.
do sazzen vnervorhten. die zwene degene gemeit.

No dohten sich so here. die zwene chvone man.
daz si niht enwolden. von dem sedele stan.
durch deheine vorhte. des gie in an den svz.
diu edel kuniginne. vnt bot in vintlichen grovz.



Si sprach nu sagt mir Hagene. wer hat nach iu gesant.
daz ir getorstet riten. her indizze lant.
zuo also stachen leiden. vnt ich von iu han.
het ir rehte sinne. so het irz pilliche lan.

Nach mir ensande niemen. sprach do Hagene.
man ladet her zelande. drie degene.
die heizent mine herren. so bin ich ir man.
deheiner hove reise. bin ich vil selten ir bestan.


Si sprach nu saget mir mere. warombe tat ir daz.
daz ir daz habt verdienet. daz ich iu bin gehaz.
ir sluget Siuride. den minen lieben man.
des ich vnz an min ende. immer gnuoc ze weinen han.

Was sol der rede mere. sprach er ir ist genvoc.
ich binz et aber Hagene. der Siuriden sluoc.
einen helt ze sinen handen. wie sere er des engalt.
daz diu frowe Chriemhilt. die schonen Prvnhilt schalt.

Ez ist et ane loygen. kuniginne rich.
ich han is alles schulde. des schaden schedelich.
nu rechez swer der welle. ez si wip oder man.
ihn wolde danne liegen. ich han iu leides vil getan.

Si sprach nu hört ir rechen. wa er mir loygent niht.
aller miner leide. swaz im da von geschiht.
daz sol mir sin vnmäre. ir Ezeln man.
die ober mueten degene. sahen vaste ein ander an.

Swer den strit da hvebe. so were da geschehn.
daz man den zwein gefellen. der eren muese ichn.
wan siz instormen heten. vil dicke wol getan.
des sich iene vermazen. durch vorhte muosen si daz lan.



Do sprach ein der reche. wef seht ir mich an.
daz ich e' da lobte. des wil ich ab gan.
dvrch niemannes gabe. verliefen minen lip.
ia wil vns verleiten. des kunic Ezeln wip.

Do sprach aber ein ander. des selben han ich mvot.
der mir gäbe tverne. von rotem golde gvot.
disen videläre. wolde ich niht bestan.
dvrch sine swinde bliche. die ich an im gesehn han.

Ovch erchenne ich Hagenen. von sinen iungen tagen.
des mach man von dem rechen. lihte mir gesagen.
in zwein vnt zweinzech stormen. han ich in gesehn.
da vil maniger frowen. ist hercenleide gesehn.

Er vnt der von Spane. die traten manigen stie.
do si hie bi Ezelen. vahnten manigen wic.
zen eren dem kunige. des ist von im vil gesehn.
dar umbe mooz man Hagene. der eren wol von schulden iehen.

Dannoch was der reche. finer iar ein kint.
daz do tomben waren. wie grise die nw sint.
nw ist er chomen ze wizen. vnt ist ein grimmech man.
ovch treit er Palmungen. da vor enchvnder niht gestan.

Da mite was gescheiden. daz da niemen streit.
do wart der chvniginne. vil hercentliche leit.
die helde cherten dannen. ia vorhten si den tot.
von dem videläre. des gie in wärliche not.

Do sprach der chvne Volker. wir han daz wol ersehn.
daz wir hie viende vinden. als wir e' horten iehn.
wir soln zv den kunigen. hin zehove gan.
sone tar vnser herren. mit strite niemen bestan.

Wie diche man durch vorhte. manigiv dinch verlat.
swa so frivnt frivnde. frivntlich gestat.
vnt hat er gote sinne. daz erz wifliche tvot.
schade vil maniges mannes. wirt von sinnen wol behvot.

Nv wil ich iv volgen. sprach do Hagene.
si giengen da si fonden. vil der degene.
ingrozem antpfange. noch an dem hove stan.
Volker der vil chvene. tvote rvesen began.

Er sprach zv sinen herren. wie lange welt ir sten.
daz ir ivch lazet dringen. ir solt zehove gen.
vnt höret an dem kunige. wi der si gemvot.
do sach man gefellen sich. die helde chven vnt goot.

Der forste von Berne. der nam an die hant.
Gunthern den richen. von Burgonden lant.
Irenvrit Gernoten. einen chvenen man.
do sah man Giselheren. zehove mit sinem sweher gan.

Swie iemen sich gefellete. vnt ovch zehove gie.
Volker vnt Hagene. geschieden sich nie.
niwan in eime sturme. an ir endes zit.
daz mosen beweinen. vil schone iuncfrowen sit.

Do sach man mit den kunigen. hin zehove gan.
ir edeln ingefindes. tvsent chuner man.
dar ober schzech rechen. mit in warn chomen.
die het insime lande. der chvene Hagen genomen.

Hawart vnt ovch Irinch. zwene v; erwelte man.
die sah man frivntliche. bi den kunigen gan.
Danchwart vnt Wolshart. die heten sich bewegen.
man sach si grozer togende. inir obermote pflegn.

Do der vogt von Rine. in den palas gie.
Ezele der riche. daz niht langer lie.
er sprach von sine sedele. als er si chomen sach.
ein grooz so rehte schone. von kunige nie mer geschach.

Sit willechomen her Gunther. vnt och her Gernot.
vnt iwer broder Gifelher. dem ich min dienst enbot.
mit triwen vlizechliche. ze Wormez ober Rin.
vnt alle; daz gedigene. sol mir willechomen sin.

Nu sit vns grooz willechomen. ir zwene degene.
Volker der chüne. vnt och her Hagene.
mir vnt miner frowen. her indize lant.
si hat ingrozen triwen. vil diche mich ombe ich gemant.

Do sprach der starche Hagene. daz haben wir wol vernomen.
wâr ich durch mine herren. zen Hynen niht bechomen.
so wâr ich in zen eren. geriten indaz lant.
do nam der wirt vil edele. die lieben geste zehant.

Vnt brahte si zem sedele. da er selbe saz.
do schancte man den gesten. mit vlize tet man daz.
in witen goldes schalen. moraz vnt win.
vnt bat die ellenden. groze willechomen sin.

Do sprach der kunie der Hunin. des wil ich in verichn.
mirn enchonde indisen eiten. lieber niht geschichn.
denne och an in rechen. daz ir vns her sit chomen.
des ist miner frowen. michel tvren benomen.

Mich nimt des michel wnder. waz ich in habe getan.
so manigen gast vil edelen. den ich gewinnen han.
daz ir nie chomen roochet. her inminio lant.
daz ich inch nu gesehn han. daz ist zen vreden mir gewant.



Des antwort Rodeger. ein ritter hoch gemoot.
ir moeget si sehn gerne. ir triwe diu ist goot.
der miner frowen mage. so schone chynnen pflegen.
si bringent in zehofe. vil manigen wällichen degen.

An sonewenden abent. als wir han vernomen.
waren si ze Ezele bverge. dem chynige zehofe chomen.
ein wirt nie sine geste. so minneklich enpfie.
dar nach er zu den tischen. mit in vil vroliche gie.

Ein kuncz bi sinen gesten. schoner nie gefaz.
man gab in vollechliche. trinchen vnt maz.
vnt allez daz si wolden. des was man in bereit.
man hete von den degenen. vil michel wnder geseit.

Ezele der riche. het an bow geleit.
sinen vliß kostenliche. mit grozer arebeit.
palas unt torne. kemenaten ane zal.
in einer witen burge. vnt einen herlichen sal.

Den het er heizen bowen. lanch hoch vnt wit.
durch daz sovil der rechen. in sohte zaller cit.
an ander sin gefinde. zwelf riche kunige her.
vnt vil der werden degene. het er zallen citen mer.

Denne ir konic ie gewinne. als ich vernomen han.
er lebt inhoher wunne. von magen vnt man.
schallen vnt dringen. het der forste goot.
von manigem snellem degene. des stvont im hohe der moot.